

Hæc supponebat propositio leges habere vim obligandi à populo & ab eo Principi datum esse potestatem, ita ut in beneplacito populi suum sit leges Principis vel recipere, vel repudiare. Sed illud principium prætullocat Angelicus eodem articulo ad I. *Apostolus dicit ad Rom. 13.* OMNIS POTESTAS HUMANA à DEO EST: & ideo qui potestatis resistit, Dei Ordinationi resistit, & secundum hoc efficitur reus quantum ad conscientiam.

Deinde, etiamsi id verum foret: tamen Princeps à populo constitutus hoc ipso quo Princeps à populo constitutus est, iam leges ferendi potestatem habet, nec non ad earum observationem populum obligandi. Vide etiam Steyaertsum pag. 69

PROPOSIT. DAMN.

2. **L**ibri prohibiti, donec expurgentur, possunt retineri, usque dum adhibita diligentia corriganter. Est 45. Alex.

D. THOMAS I. 2. q. 96. art. 6 in corpore. *Omnis lex ordinatur ad communem hominum salutem, & in tantum obtinet vim, & rationem legis. Ordinatur autem, & maximè conduceat ad salutem animarum, ut non solum non retineantur libri prohibiti absolute, sed etiam, ut non retineantur prohibiti sub ista formulâ, donec expurgentur, vel corriganter. Etenim non minus horum, quam illorum retentioni inest erroris periculum: quod provida, & pia Mater Ecclesia communi animarum saluti consulens summò studiò à Fidelibus conatur avertere.*

PROPOSITIONES DAMNATÆ.

Circa materiam, quæ tractatur in secunda secunda.

De virtutibus Theologicis in genere.

PROPOSITIO DAMN UNICA.

Homo nullo umquam vita tempore renetur elscere actum Fidei, Spei, & Charitatis ex

*vi Praeceptorum Divinorum ad eas virtutes pertinen-
tium. Est prima Alexandrina.*

D. THOMAS 22. q. 44. art. 2, ad t. *Praecepta dan-
tur de actibus virtutum; non verò de habitu, ut
infinitis in locis repetit Angelicus. Sic, dum Præ-
cipit Deus, ut ablata restituamus, non restitutionis
habitum, quo nemo recipit, quod suum est, sed
actum præscribit, quo redditur id, quod injustè
ablatum est. Dum eleemosyna fieri jubet, non
de habitibus, quibus pauper non pascitur, sed de
erogatione victus, quō pauper sustentatur, sermo
est. Dum parentibus mandatur, ut in timore Do-
mini filios suos educent, actualis, quæ sola illis
prodest, non habitualis disciplina, à quā nullus
dimanat fructus, à Deo præcipitur. Itaque Deus
etiam non præcipit inertem oīosum, & torpem
virtutum Theologicarum habitum, sed imperat, ut
ferventes illarum virtutum actus eliciamus. Jubet se
diligi dilectione actuosa, non cessante, dilectione
vigili, non sopitâ, dilectione erectâ, non inclinatâ,
non jacente, non sepulcra. Idem quoad elicien-
tiā fidei, & spei Deus imperat; ita quidem, ut
per se, & ex vi præceptorum Divinorum ad virtutes
Theologicas pertinentium, teneamur in Fidei,
Spei, & Charitatis actus prorumpere.*

Object.

Hinc ruit præcipuum damnatæ Propositionis
fundamentum, quod in hoc situm erat, tenēti
quidem hominem harum virtutum actus elicere,
sed per accidens tantum, & aliorum occasione
Præceptorum, quæ sinè hujusmodi actu expleri non
possent, non verò perse, & ex vi Divinorum man-
datorum virtutes illas concernentium: ruit inquam,
fundamentum, cum Præcepta dentur de actibus,
& exercitiis virtutum per se eliciendis.

R. S. P.

Et sanè nullæ sunt virtutes, quarum præcepta per
se magis obligent, & quarum magis in sacris litteris
fiat mentio, quam istarum trium Theologicarum.
*Qui timetis Deum, creditte illi Ecclesiastici 2. Sperate
in eo omnis congregatio populi: effundisse coram illo
corda*

corda vestra. Psalm. 61. Spera in Deo tuo semper,
Osee 12. Diliges Dominum Deum tuum ex toto
corde tuo, & ex totâ animâ tuâ. Ex totâ for-
titudine tuâ Deut. 6. Matthæi verò 22., prioribus
recensitis, pro fortitudine ponitur in totâ mente
tuâ; deinde hoc est Maximum, & primum man-
datum. Marci 12. ponuntur quatuor: Scilicet ex
toto corde tuo: ex totâ animâ tuâ: ex totâ mente
tuâ: ex totâ virtute tuâ. Talianè Præcepta, pte-
fertim ultimum tam grave, tam Sanctum, tam
justum, singulari Majestate à Moysè loco citato
Deuteronomii promulgatum, populoque Israëli-
tico Impressum, toties in novâ lege repeatum,
Primum, & maximum mandatum, ad cuius ac-
curatam observantiam cordibus hominum inse-
rendam Deus unicè quodammodo collimat, ta-
lianè præcepta nunquam obligarent ad elicien-
tiā actū?

Accedit, quod Ecclesia petat in Oratione Do-
minicæ 13. post Pentecosten; omnipotens, sempiterne
Deus, da nobis Fidei, Spes, & Charitatis augmen-
tum, quî autem tale possumus nancisci augmen-
tum, nisi per trium virtutum Theologicarum,
idque frequens exercitium?

Postremò, quodd de ut per se, inter alia, præcep-
tum Charitatis, dixerit docet Angelicus 1. 2. q. 100.
art. 10. in corpore. Actus charitatis cadit sub præ-
cepto legis, quod de hoc SPECIALITER DATER, scilicet
diliges Dominum Deum tuum.

De Fide, & ejus actibus.

PROPOSITIO DAMN.

I. **F**ides non censetur cadere sub Præceptum spe-
ciale, & secundum se. Est 16. Innoc.

D. THOMAS 1. 2. q. 62. art. 1. De actibus Fides
dantur Præcepta in lege Divinâ. Dicitur enim Ec-
clesiastici 2. qui timetis Deum, credite illi.

Fundamentum Propositionis fuisse videtur, in-
quit Steyaertius, quod Fides ipsa præquiratur, ut
aliquid

aliquid Dei præceptum homini insinuetur. Proinde fides non censetur cadere sub Præceptum speciale.

Sed hanc subtilitatem jam dudum castigata Theologia präoccupata , docendo credendi Præceptum simul cum ipsâ fide , quæ prædicatur , innotescere , ita ut adverüs speciale fidei Præceptum peccet is , qui hanc sufficientibus motivis Propositam amplecti deirestat. Illud constat ex Angelico 22. q. 10. art. 1. in corpore. Infidelitas duplíciter accipi potest : uno modo secundum puram negationem , ut dicatur infidelis ex hoc solo , quod non habeat fidem. Alio modō potest intelligi infidelitas secundum contrarietatem ad fidem , quâ scilicet aliquis repugnat auditui fidei , secundum illud Isaia 52. Quis credidit auditui nostro ? Et in hoc propriè perficitur ratio infidelitatis , & secundum hoc infidelitas est peccatum contrà præceptum scilicet de fide sūcipiendâ debitè propositâ , proinde fides cadit sub præceptum speciale , & secundum se.

PROPOSITIONES DAMN.

2. **S**atis est actum fidei semel in vitâ elicere. Est 17. Innocent.

3. Sufficit Mysteria Trinitatis , & Incarnationis semel credidisse. Est 65. Innocent.

D. THOMAS 22. q. 44. art. 2. ad 1. Precepta dantur de actibus virtutum , adeoque sistendo in eodem D. THOMÆ principio suprà expenso fides semel habita , & exercita non potest esse deses , & omni deinceps actione carens , sed tenetur homo in illius actus sapè protumpere.

E contrà illud recentiorum Theologorum dogma ab exercitio virtutis fidei etiam circâ sacratissima Trinitatis , & Incarnationis Mysteria hominem eximebat , poteratque ille , dummodò semel in vitâ credidisset , pura vel in ventute , vel dum alias fidem capessivit , reliquum vitæ tempus tamquam à dura lege emancipatus , tuique juris factus aliis actibus , & exercitiis devovere.

Non

Non sic Angelicus, non sic Apostolus, qui ait ad Galatas 3. *Justus ex fide vivit.* Non semel igitur, sed saepius homo actus fidei eliciat, oportet: sicut cibum ad corporis sustentationem non semel tantum, sed saepius debet sumere, ne deficiat.

PROPOSITIO DAMN.

4. **A**ssensus fidei supernaturalis, & utilis ad salutem stat cum notitia saltem probabili revelationis, immo cum formidine, quia quis formidat, ne non sit locutus Deus. Est 21. Innoc.

D. THOMAS 22. q. 2. art. 1. in corpore. Actuum ad intellectum pertinentium quidam habent firmam adhesionem, sicut cum aliquis considerat ea, quae scit, vel intelligit. Quidam vero actus intellectus habent cogitationem informem absque firmâ assensione; sive in neutram partem declinent, sicut accidit dubitanti, sive in unam partem magis declinent, sed tenentur aliquo signo levi, sicut accidit suspicanti, sive uni parti adhaerant, tamen cum formidine alterius, quod accidit opinanti, sed ACTUS, QUI EST CREDERE, HABET FIRMAM ADHESIONEM.

Non potuisse Angelicus, si in haec ipsa tempora incidisset, clarioribus, & solidioribus terminis errorem perimere. Ad assensum enim fidei requirit firmam adhesionem, quae hoc ipso excludit assensum uni parti adhaerentem cum formidine alterius, quod accidit opinanti. Assensus autem ille est ipsissima notitia probabilis, de qua agit propositio, cum ipsa, seu probabilitas definiatur, quod sit adhesio intellectus uni parti cum formidine alterius. Non igitur assensus fidei supernaturalis, & utilis ad salutem stat cum notitia saltem probabili revelationis, nec cum formidine, quia quis formidat, ne non sit locutus Deus: sed requiritur certus, firmus, & ineluctabilis assensus, cum innitatur veritati divinæ.

Unde homo est certior de eo, quod audit de Deo, qui falli non potest, quam de eo, quod videt propriâ ratione, quae falli potest. 22. q. 4. a. 8. ad 2.

PRO-

PROPOSITIONES DAMN.

5. **V**oluntas non potest efficere, ut assensus fidei in se ipso sit magis firmus, quam mereatur pondus rationum ad assensum impellantium. Est 19. Innoc.

6. *Hinc potest quis prudenter repudiare assensum, quem habebat supernaturalem.* Est 20. Innoc.

D. THOMAS commentans in caput 10. ad Romanos. *Intellectus credentis*, inquit, *non determinatur ad assentendum EX NECESSITATE RATIONIS, SICUT INTELLECTUS SCIENTIS.* Ex quo sequitur, hominem non elicere actum assensus fidei ex motivis, & pondere rationum, quas Evangelii Praeaco proponit: *Prædicante enim ipsòmet Doctore Gentium, cuius verbis non phaleratis, sed simplici eloquentiâ refertis singularis vis inerat, quidam nostræ fidei mysteriis dissentiebant, alii assentiebant juxta illud Act. 17. Cum audissent resurrectionem mortuorum, quidam quidem irridebant, quidam verò dixerunt; audiemus te de hoc iterum, quidam verò viri adharentes ei crediderunt.*

Qui igitur fides Producitur?

Hoc explanabit scholarum Angelus... requiriatur quidem ad fidem, inquit 1. p. q. IIII. art. I. ad I, quod credibilia proponantur credenti, & hoc sit per hominem, secundum quod fides est ex auditu, ut dicitur ad Rom. 10: *ipsum autem credere, 22. q. 2. art. 9. in corp.* (ubi multi audientes Evangelium non credunt, quod spectat ad inscrutabilia judicia Dei) credere, inquam, est actus intellectus assentientis veritati divina ex imperio voluntatis a Deo MOTÆ PER GRATIAM.

Undè fides est actus *supernaturalis*, fides verò, de quâ agit condemnatus error *naturalis*, & *humana* tantum est (icet altera Propositio innuat assensum esse *supernaturalem*, sed negatur illius Propositionis suppositum) fides, inquam, illa *naturalis* tantum est, cum solummodo sistat in rationum pondere,

Proinde

Proinde nil mirum, quod barbarus extremo sub sole reposus audiens Evangelium à Prædicante, cuius verba rationem, motivum, & pondus solum habent naturale, nil mirum profectò est, si idem posteà ab idololatris audiens plausibilia, seu suæ magis imaginationi conformia prudenter repudiet assensum, quem præbuerat Evangelio, ut afferit Propositio sexta. Hæc Propositio (ut & quinta) vera foret, si fides rationum ponderi commensuraretur, jam verò, ut vidimus, fides supernaturalis est quarumcumque rationum vim, & elaboratissimos superans discursus, & *Gratia* debetur assensus supernaturalis.

PROPOS. DAMN.

7. **F**ides latè dicta ex testimonio creaturarum, similivè motivo ad justificationem sufficit.
Est 23. Innoc.

D. THOMAS 22. q. 2. art. 3. Dicitur ad Hæbraeos 10. Sinè fide impossibile est placere Deo: sinè fide utique supernaturali, non naturali, seu latè dicta, sive Philosophicâ ex testimonio creaturarum, similivè motivo depromptâ; hoc enim D. Thomas quasi hunc prævidisset errorem, apertè refellit in response ad 1. quia naturâ hominis (inquit) dependet à superiori naturâ, non sufficit cognitio Dei NATURALIS (en fides ista latè dicta) SED REQUIRITUR SUPERNATURALIS, seu Theologica.

Præsuffocatur insuper directissimè damnatus error 1. 2. q. 113. art. 4. ad 2. PER COGNITIONEM NATURALEM HOMO NON CONVERTITUR IN DEUM, IN QUANTUM EST JUSTIFICATIONIS CAUSA, UNDE TALIS COGNITIO NON SUFFICIT AD JUSTIFICATIONEM.

Deniquè: justificatio est supernaturalis, itaque & dispositio ad illam debet esse supernaturalis: quæ quidem dispositio inter alias, primò requisita est fides strictè dicta; sicut docet Concilium Tridentinum sess. 6. cap. 8. *Fides est humanae salutis insum, fundamentum, & radix omnis justificacionis:*

sionis: fides, inquam (ne illa ad latè dictam de-
torqueatur) quam ex auditu concipientes liberè
moventur in Deum, Credentes vera esse, qua DI-
VINITUS REVELATA SUNT.

PROPOSITIO DAMN.

8. **N**on nisi fides unius Dei necessaria videtur
necessitate medit, non autem explicita
Remuneratoris. Est. 22. Innoc.

D. THOMAS 22. q. 2. art. 5. Dicitur ad Hebraos
II. Oportet credere accendentem ad Deum, quia
est, & quod inquirentibus se REMUNERATOR EST.

Et certè necesse est ad justificationem, & salu-
tem, eam fidem in Deum habere, quâ, inter alia,
spes nostra in Deum excitetur. Quomodo autem
spes nostra in Deum excitabitur, nisi Deum cre-
damus esse inquirentibus se Remuneratorem?

PROPOSITIO DAMN.

9. **S**i quis à potestate publicâ interrogatur, fidem
ingenuè confiteri, ut Deo, & fidei glorio-
sum consulo, tacere ut peccaminosum per se non dam-
no. Est 18. Innoc.

D. THOMAS 22. q. 3. art. 2. in arguento sed
contra: Apostolus dicit ad Rom. 10. corde creditur
ad justitiam, ore autem confessio fit ad salutem.

Sed potissimum id constat ex corpore. Confiteri
fidem non semper, neque in quolibet loco est de ne-
cessitate salutis, sed in aliquo loco, & tempore,
quando scilicet per omissionem hujus confessionis sub-
straberetur honor debitus Deo, & etiam utilitas
proximis impendenda: puta si aliquis interrogatus
de fide (publicâ nimium authoritate) TACERET;
& ex hoc crederetur, vel quod non haberet fidem,
vel quod fides non esset vera, vel alii per ejus taci-
tum verterentur à fide: IN HUJUSMODI
ENIM CASIBUS CONFESSIO FIDEI EST DE NE-
CESSITATE SALUTIS.

De Charitate erga Deum.

PROPOS DAMNATÆ

1. **A**N peccet mortaliter, qui actum dilectionis
Dei semel tantum in vita eiceret, con-
demnare non audemus. Est 5. Innoc.

2. Probabile est, ne singulis quidem rigorosè quis-
quenniis per se obligare preceptum Charitatis erga
Deum. Est 6. Innoc.

D. THOMAS 22. q. 44. art. 5. explicans hæc
verba *Diligere Dominum Deum &c.*: sic discurrat
in corpore. *Præcipitur nobis, ut tota nostra inten-*
tio feratur in Deum, quod est ex toto corde, &
quod intellectus noster subdatur Deo, quod est ex
totâ mente, & quod appetitus noster reguletur se-
cundum Deum, quod est ex toto anima, & quod
exterior actus noster obediat Deo, quod est ex
totâ fortitudine, vel virtute, vel viribus Deum di-
ligere. Quot Divi Thomæ verba, tot sunt oracula
damna in bina propositione erroris pæsuffocativa.

Damnatat Alexander VII, Deum non esse dili-
gendum per se (ut supra vidimus de virtutibus
Theologicis propositione damnata 1) sed quoties Object.
Deus sit diligendus, Pontifex non explicat, aie-
bant harum propositionum authores: itaque satis
est, si semel Deus in vita diligatur, præserum cum
odio a sint restringenda, nequæ lex ultræ dilatan-
da sit, quam disertis verbis sonet.

Estne igitur odiosum, quod velit à nobis diligi *Respo.*
Deus, diligibilis super millia auri, & argenti super
mel, & favum, super aurum, & topazionem Deus,
inquam, fons, origo, & immensus totius bonitatis
(quæ est causa dilectioni.) Oceanus? in quem proin-
dè deberet rapi, & effundi conglomeratis animæ,
& corporis viribus totus amoris impetus?

Sanè cum Deus honorari parentes jubeat, etiamsi
non addat *quories*, in preceptum honorationis pa-
rentum impingeret is, qui eos tantum semel in
vita honoraret, & in tam protervum, & ingra-
tum

tum filium tota se natura aliter ingenita, inseminata, edicta armaret, & exoneraret: an igitur minori apud nos loco sit naturae, vitaeque author, & conservator Deus, & cuius conservatio est nostra continua productio? citata D. Thomae verba æternum memorie, mentique imprimenda desig-
nant revera præceptum non semel, sed saepius Deum diligendi: PRÆCIPITOR enim (non con-
sulitur) ut ex tota fortitudine, vel virtute, vel
viribus Deum diligamus. An hoc est semel tan-
tum teneri ad amorem Dei? ignem veni (inquit
Dominus) mittere in terram, Et quid volo, nisi
ut accendatur? cur non itaque Divinô amore
accendimur? & sursum ferimur, inardescimus, &
imus? absit hic omnis mora, absit omnis tepiditas,
absit omne frigus.

Hinc etiam penitus ruat, necesse est septemtrio-
nali frigore frigidior illa assertio. Probabile est,
ne singulis quidem rigorosè quinquenniis per se obti-
gare præceptum charitatis erga Deum. Etenim ne
quidem infra quinquennii terminum, actui Divi-
ni amoris hominem adstringi, non est ex tota
fortitudine, vel virtute, vel viribus Deum dili-
gere, quod tamen nobis (ut liquet ex D. Thoma)
præcipitur.

PROPOSITIO DAMN.

3. Tunc solùm obligat, quando tenemur justi-
ficari, Et non habemus aliam viam, unde
justificari possimus. Est 7. Innoc.

D. THOMAS I. 2. q. 100. art. 10. in corpore.
Actus Charitatis cadit sub præcepto legis, QUOD
DE HOC SPECIALITER DATUR.

Est itaque præceptum Charitatis præceptum spe-
ciale, ut etiam superius considerando virtutes
Theologicas in genere vidimus, adeoque per se
obligat, & non solùm, quando justificari tenemur.



De

De charitate erga Proximum.

PROPOSIT. DAMN.

1. **N**on tenemur proximum diligere actu interno, & formaliter. Est 10. Innoc.

2. Praecepto proximum diligendi satisfacere possumus per solos actus externos. Est 11. Innoc.

D. THOMAS 22. q. 25. art. 1. dicitur I. Joannis 4. hoc mandatum habemus à Deo, ut qui diligit Deum, diligat & fratrem suum. Sed Deum tenemur diligere actu interno, & formaliter, ergo & proximum interno sinceri amoris affectu debemus diligere.

Confirmatur hæc Christiana, & ingenuæ, rectæque menti à naturâ impressa doctrina 22. q. 26. art. 7. INTERIOR CHARITATIS AFFECTIO debet respondere exteriori affectui: & q. 25. art. 9. effectus & signa charitatis ex INTERIORI DILECTIONE PROCEDUNT, & ei proportionantur.

Denique: diligere debemus proximum eâ charitate, quæ omne odium excludat, actus autem externi, quos proximo demonstramus, ab aliâ radice prodire possunt, & omne odium non excludunt: possunt enim ab hypocrisi imperati, aut certè ab humanitate quadam, vel arte potius Machiavello-politicâ, quam, si modò viveret, facerè argueret Diogenes famosam adhibiturus lucernam, quâ infrequenti foro homines candidi, sinceri, recti, explicati, & exorrecti cordis studiosè inquireret. Adeò ars ista pessima inexsaturabile tæpè odium sub speciosæ larva amicitiae condens in multorum animos irrepit.

Itaque exteriorum actuum exhibito non est certum animi odium excludentis argumentum, quod tamen ad dilectionem proximi requiritur. Interius quis in proximum sit propensus, oportet, & hoc est illum verè diligere.



De quibusdam actibus Charitati contrariis.

PROPOS. DAMNATÆ.

1. **L**icitum est absoluto desiderio cupere mortem patris, non quidem ut malum patris, sed ut bonum cupientis, quia nimur ei obventura est pinguis hereditas. Est 14. Innoc.

2. Licitum est filio gaudere de parricidio parentis a se in ebrietate perpetrato propter ingentes divitias inde ex hereditate consecutas. Est 15. Innoc.

3. Si cum debita moderatione facias potes absque mortali peccato de vita alicujus tristari, & de illius morte naturali gaudere, illam ineffaci affectu petere & desiderare, non quidem ex disponentia personæ, sed ob aliquod temporale emolumenntum. Est 13. Innoc.

D. Thomas 22. q. 26. loquens de ordine charitatis, querit articulo nono, an homo ex charitate magis debeat diligere filium, quam patrem, cui quæsto sic respondet in corpore atticuli. *Id quod habet majorem rationem boni, est magis diligendum, & quod est Deo similius, & sic pater est magis diligendus, quam filius: quia scilicet patrem diligimus sub ratione principii, quod habet rationem eminentioris boni, & Deo similioris.* Imò in tantum diligendus est pater, ut in necessitate extrema succurendum sit potius patri, quam filio. *Id liquet 22. q. 31. art. 3. ad 3. In necessitatibus extrema articulo magis liceret deserere filios, quam parentes, quos nullo modo deserere licet propter obligationem beneficiorum susceptorum.*

Si in præfato casu (in quo luctuosum foret hominis & patri, & filio providere optantis certamen) nullo modo liceat deserere parentes propter obligationem beneficiorum susceptorum, quam ipsa natura altè nobis impressit, licebitne filio absolutō, directō, formalī desideriō cupere mortem patris, cui vitam debet? licebitne ei gaudere de parricidio paren-

parentis à se in ebrietate, adèque ordinatiè non
sinè omni culpâ suâ perpetrato propter ingentes
divitias indè ex hæreditate consecutas, & patris
labore, curâ, sollicitudine partas?

At, reponis, filius non cupit morteni patris, *Object.*
nec de ea gaudet in ebrietate illata, ut *malum*
patris est, verùm quatenus ex ea pinguis prove-
nit hæreditas.

Sed nec Poëta gentilis describens fæculum illud *Resp.*
ferrum, quo *filius ansè diem patrios inquirit in*
annos, stylum acuit in filios inquirentes in annos
patris, quaenam *id malum patris est*: hoc enim
planè est insolitum, & forte numquam patratum
vel ab abortivo naturæ monstro: illos Poëta tan-
tum redarguit, qui inhiantes divitiis, opibus,
potentiæ, ob *id exoptabant*, ut mors prolixioris
paternæ vitæ filium quantocyùs abrumperet; pro-
indè ethnicus eos culpat, quos Christianus Theo-
logus excusat.

Hinc & sponte suâ ruit Proposito *tertia*, nega-
turque suppositum, posse aliquem de vita alterius
cum debita moderatōne tristari, & de morte illius
naturali gaudere. *Diliges proximum tuum sicut*
te ipsum: an verò ullus vellet, ut quis de suâ vita
tristaretur, & de morte suâ naturali gauderet?
PROPOS. DAMNATAE.

4. *Vix in secularibus, etiam in Regibus inveneris*
superfluum statui, Et ita vix aliquis tenetur
ad eleemosynam, quando tenetur tantum ex super-
fluo statui. Est 12, Innoc.

D. THOMAS 22. q. 32. art. 5. ad 3. datur ali-
quod tempus, in quo quis mortaliter peccat, si eleē-
mosynam dare omittat; ex parte quidem dantis,
cum habet superflua. qua secundum præsentem
statum non sunt tibi necessaria, prout probabiliter
estimare potest. Nec oportet, quod consideret omnes
casus, qui possunt contingere in futurum. Hoc enim
effet de crastino cogitare, quod Dominus prohibet
Matth. 6. sed debet diudicari superfluum secun-
dum ea, qua probabiliter ut in pluribus occurruunt.

Tale autem superfluum sic descriptum in multis
sæcularibus opulentis, præsertim in Regibus repe-
ritur, proinde illi tenentur ad eleemosynam ex
superfluo statui.

Object.

Fundamentum sententiæ fuit *Licere ditissimiis, ipsisque adeò Regibus servare sua ad suum, suorumque statum augendum.* Et sic proculdubio vix, aut vix quidem aliquid in Locupletissimis reperitur superfluum, cum ambitio, vel effrænis cupiditas semper statu amplificationi. & splendori inhicit; atquè adeò juxta illam opinionem elidebatur obligatio eleemosynæ à Scripturâ Sacrâ tam sæpè inculcata.

Resp.

Fundamentum illud ex discursu corruit Docto-
ris Angelici, qui superflua non ad statum augendum,
vel futurum extendit, sed ad præsentem restrin-
git. Docet enim incumbere *ex parte dantis obli-*
gationem eleemosynæ, cum habet superflua, quæ
SECUNDÙM PRÆSENTEM STATUM NON SUNT SIBI
NECESSARIA, prout probabiliter estimari potest.
Nec oportet, quod consideret omnes casus, qui
possunt contingere in FUTURUM, puta promotiones
ad altiorem, & sublimiorem vel sui, vel suorum
statum. Hoc enim esset de crastino cogitare; & men-
tem inanis gloriæ expectatione pascere.

De Juramento, & restrictione Mentali.

PROPOS. DAMNATA.

I. **V**ocare Deum in testem mendacii levis non
est tanta irreverentia, propter quam velit,
aut possit damnare hominem. Est 24. Innoc.

D. THOMAS 22. q. 98. art. 3. ad 2. *Ille qui*
jocose (proindeque in qualibet aliâ re levi) per-
jurat, non evitat divinam irreverentiam, sed QUAN-
TUM AD ALIQUID MAGIS AUGET; & IDEÒ NON EX-
CUSATUR A PECCATO MORTALI: adeoque pro-
pter vocationem Dei in testem mendaci levis, &
vult, & potest Deus damnare hominem.

PRO.

PROPOS. DAMN.

2. **C**um causa licitum est jurare, sive animo jurandi, sive re sit levis, sive gravis. Est
25. Innoc.

D. THOMAS 22. q. 110 art. 3. in corpore.
Cum voces sint naturaliter signa intellectuum, in naturale est, & indebitum, quod aliquis vece significet id, quod non habet in mente, sive quod mentiatur, proindeque quod coram aliquo quis juret sine mente jurandi: unde cum mendacium per se pravum, & peccatum sit, à fortiori peccatum est, mendacium juramento firmatum, in quo non datur parvitas materiæ. Tale autem mendacium continet propositio damnata.

PROPOSITIONES DAMN.

3. **Q**ui mediante commendatione vel munere, ad Magistratum, vel officium publicum promotus est, poterit cum restrictione mentali praestare juramentum, quod de mandato Regis à similibus solet exigi non habitò respectu ad intentionem exigentis, quia non tenetur fatēri crimen occultum. Est 28. Innoc.

4. Si quis vel solus, vel coram aliis, sive interrogatus, sive propriâ sponte, sive recreationis causâ, sive quocumque alio modo juret se non fecisse aliquid quod reverâ fecit, intelligendo intrâ se aliquid aliud, quod non fecit, vel aliam viam ab eâ, in quâ fecit, vel aliud quodvis additum verum, reverâ non mentitur, nec est perjurus. Est 26. Innoc.

D. THOMAS 22. q. 89. art. 7. ad 4. Debet juramentum servari secundum INTELLECTUM EJUS, CUI JURAMENTUM PRÆSTATUR. Unde Isidorus dicit: * quacumque arte verborum quis juret, Deus tamen qui conscientie testis est, ita * Lib. 2. hoc accipit, sicut illi, CUI JURATUR, INTELLIGIT. Dupliciter autem reus fit, quia & Dei no bono capi men in vanum assumit, & proximum dolô capit. 31.

Sanè si talis restrictionum usus admittatur ; la-
tissima criminibus pandetur area ; nulli poterunt
initi contractus , nullum tutò cum hostibus pote-
rit feriri , & observari fœdus etiam Sacramento fir-
matum : extorris erit societas , fidelitas , commer-
cium , pax , & unio animorum inter homines : qui-
libet , ut fallaces istos arte *Sinônes* fugiat , abditæ
se cogetur mancipare solitudini , ac sociale animal
degenerabit in ferox , asperum , & intractabile :
verbô , tota humani negotii machina sùs dequè ruet.

Object.

' Sed nonnè Confessarius , inquis , excusat , qui
simpliciter interrogatus de peccato , quod per solam
novit confessionem , respondet se id nescire ?

Resp.

Id verum est : sed ideo , quia apud omnes omni-
nò Theologos , & juxta communem fidelium sen-
sum illud *nescio* Confessarii idem sonat , ac *nescio ut
homo* : istud verò *non feci* , vel *juro me hoc non fecisse* ,
subintelligendo *ut fateri debeam* ; universæ retrò
Antiquitati , torrenti Theologorum , fidelium menti ,
ac sinceræ praxi antè hos nuperos restrictionum
artifices & fuit incognitum , & ab omnibus Christia-
nà simplicitate imbutis omnino respuitur.

At publicam , reponis , subibit infamiam qui au-
ra à commendatione ad officium publicum promo-
tus est , si is non subintelligat à Ministris Regiis
interrogatus ; *non sum promotus vi munera* , *vel
commendationis* , *UT FATERI DEBEAM*.

Tales sibi angustias imputet ille , qui effrænes
ambitioni laxat habenas.

PROPOS. DAMNATA.

5. **C**ausa justa utendi his amphiboliis est ,
quoties id necessarium , aut utile est ad sa-
lutem corporis , honorem , res familiares tuendas ,
vel ad quemlibet alium virtutis actum , ita ut
veritatis occultatio tunc censeatur expediens , &
studiosa . Est 27. Innoc.

D. THOMAS 22. q. 110. art. 4. proponit hoc
sibi argumentum. *Minus malum est eligendum* ,
ut vitesur maius malum , *sicut medicus præscindit
mem.*

membrum, ne corrumpatur totum corpus; sed mis-
nus nocumentum est, quod aliquis generet falsam
opinionem in animo alicujus, quam quod aliquis
occidat, vel occidatur, ergo licet potest homo men-
tiri: Cui argumento sic responderet ad 4. Menda-
cium non solum habet rationem peccati ex damno,
quod inferitur proximo, sed ex sua etiam inordi-
natione, quod scilicet sit contraria mentem: non
licet autem aliquam inordinationem uti a. impedien-
dum nocumenta, & defectus aliorum, & ideo
non est licitum mendacium dicere ad hoc, quod
aliquis se a quocumque periculo etiam mortis liberet.
Si mentiri non liceat ad salvandam vitam, licebitne
uti restrictionibus elaborata mendacia coniunctibus
(hæc modò blandiusculè amphibiologiae vocantur)
ad tuendum honorem, famam, conservandum
unum, alterumve aureum, aut ob aliud quem-
cumque finem?

PROPOSITIO DAMN.

6. **U**rgens metus gravis est causa justa Sacra-
mentorum administrationem simulandi.
Est 29. Innoc.

D. THOMAS 22. q. IIII. art. I. in corpore.
Ad virtutem veritatis pertinet, ut quis tales
se exhibeat exterius per signa exteriora, qualis est.
Signa autem exteriora non solum sunt verba, sed
etiam facta. Sicut ergo veritati opponitur, quod
aliquis per verba exteriora aliud significet, quam
quod habet apud se, quod ad mendacium pertinet,
ita etiam opponitur veritati, quod aliquis per ali-
qua signa factorum, vel rerum aliquid significet
contrarium ejus, quod in eo est, quod proprié-
simulatio dicitur. Unde SIMULATIO PROPRIE EST
MENDACIUM quoddam in exteriorum signis facto-
rum consistens. Non refert autem, utrum aliquis
mentiatur VERBO, vel quocumque ALIO FACTO.
Unde cum omne mendacium sit peccatum, conse-
quens est, QUOD OMNIS SIMULATIO SIT PECCA-
TUM, & quidem intrinsecè tale, cumque illa,

quæ sunt intrinsecè mala , seu peccata , numquam etiam gravissimò urgente metū , à peccato excusentur , invictè eruitur , nullam umquam esse causam justam , Sacramentorum administrationem simulandi.

Confirmat hæc omnia Angelicus 22. q. 93. art. 1. in corpore Respondeo dicendum , quod sicut Augustinus dicit in lib. contrà mendacium. Mendacium maxime perniciosum est , QOD FIT IN HIS , QUÆ AD CHRISTIANAM RELIGIONEM (adeò que quæ etiam ad Sacra menta) PERTINENT . Est autem mendacium , cum aliquis exterius significat contrarium veritati. Sicut autem significatur aliquid verbō , ita etiam significatur aliquid factō , & ideo si per cultum exteriorem aliquid falsum significetur (ut revera significatur simulando Sacramentorum administrationem) ERIT CULTUS PERNICIOSUS , erit administratio Sacramenti falsa , & ementita , Deo authori Sacramentorum , quique est summa Veritas ; & Ecclesiæ injuria , & omnis omnino destructiva Religionis.

Scilicet eò usquè se diffuderat restrictio mentalis , ut non sisteret in verbis , sed & in factis vellet sibi locum vendicare. Sic V.G. si indignus Eucharistiam petiisset , mortem , aliudve grave malum Presbytero , nisi eam dedisset , illatus , poterat ei Sacerdos per simulationem in tali casu dare hostiam non consecratam.

Non disparem dissimulationem in facto olim Ecclesia fulminarat in famosis * Libellaticis inertibus illis , & indignis Christianis , qui libellos à Magistratibus ethnicis numeratâ pecuniâ obtinuerant fidem facientes ipsos Cæsarum edictis de cultu idolorum (quæ tamen non adoraverant) paruisse. Quâ non verborum acrimonia simulators istos perstringunt SS. Patres ?

* Baroniūs ad saeculum 2.



De Homicidio.

PROPOSITIONES DAMN.

1. **R**egulariter possum occidere furem pro conser-
vatione unius aurei. Est 31. Innoc.

2. Non solum licitum est defendere defensione
occisiva, quæ actu possidemus, sed etiam ad qua-
jus inchoatum habemus, & quæ nos possessuros
speramus. Est 32. Innoc.

3. Licitum est tam baredi, quam legatario con-
trà injustè impedientem; ne vel hereditas adea-
tur, vel legata solvantur, se taliter defendere,
sicuti & jus habenti in Cathedram, vel Præben-
dam contrà eorum possessionem insuffit Impedientem.
Est 33. Innoc.

D. THOMAS 22. q. 64. art. 7. in corpore tractans
de famoso calu defendantis se cum occisione in-
justi vitæ invasoris, hæc allegatur: non est necessa-
rium ad salutem, ut homo actum moderata tu-
telæ pretermittat al evitandam occisionem alte-
rius: quia plus tenetur homo vita sua providere,
quam vita alienæ, ita ut vita invasi viæ inva-
ris præponderet, aut saltem æquivaleat. An verò
unus aureus viæ hominis æquivalere, vel cum
ea librari potest?

Nec jus ad rem, ut vocant, ad copiosam hære-
ditatem adeundam, tanti est ponderis, quanti vita.

Postremam horret animus propositionem addu-
cere, quæ licentiam impertiebatur Litteratis, &
Clericis ferro, aut vencō, aut aliō mortis genere
grassandi pro possessione Cathedræ, vel Præbendæ.

Non ita Angelicus, pacificus, & moderatus
Doctor q. 64. art. 4. in corpore. Clerici (inquit)
qui sunt electi ad Altaris ministerium, debent suum
Dominum (mansuetissimum Christum à tali om-
nino assertione abhorrentem) imitari, secundum
indicem populi, sic & ministri ejus, Ecclesiastici 10.

PROPOSIT. DAMN.

4. Est licitum Religioso, vel Clerico calumniam torem gravia crimina de se, vel de sua Religione spargere minantem occidere, quando alius modus defendendi non suppetit, uti suppetere non videtur, si calumnior sit paratus vel ipsi Religioso, vel ejus Religioni publicè, & coram gravissimis viris predicta Impingere, nisi occidatur. Est 17. Alex.

5. Licet interficere falsum accusatorem, falsos testes, ac etiam judicem, à quo iniqua certò imminet sententia, si aliâ viâ non potest Innocens damnum evitare. Est 18. Alex.

6. Fas est viro honorato occidere invasorem, qui nimirum calumniam inferre, si aliter hac ignominia vitari nequeat: idem quoque dicendum, si quis impingat alapam, vel fuste percutiat, & post impactum alapam, vel ictum fustis fugiat. Est 30. Innoc.

7. Vir Equestris ad duellum provocatus potest illud acceptare, ne timiditatis notam apud alios incurrat. Est 2. Alex.

D. THOMAS quæstione, & articulo citatis, Vim vi repellere licet: calumnia autem, opprobrium aliavè hujusmodi non sunt propriè loquendo vis, ut etiam Neesen, Boudart, aliquique passim advertunt: proindeque ista non vi, sed aliâ viâ quis repellat, oportet: hanc legem à fortiori Religiosus, vel Clericus observet.

Porrò via illa est via judicii: nemo enim est judex in propria causâ. Adeundus itaque est judex; coram illo objecta diluenda sunt, producendi sunt Innocentiæ testes, aliaque debitæ defensionis adhibenda sunt argumenta.

Quod si hæc non juvent, è contrà verò & calumniatores pergant, & aliundè sint falsus accusator, falsi testes, ac iniquus judex, nec aliud evadendi remedium suppetat (quæ omnia sunt subjectum secundæ P: opositionis) tunc Christianâ manu

mansuetudine , patientiâ , & inconcusso pectore
frangenda , labefactanda , & elidenda est male-
volorum iniquitas , ac premenda Coronati Vatis
vestigia , cuius aurea vox est , & æternum mala
quæque , & injurias ferentibus imprimenda : Prop-
ter verba labiorum tuorum ego castodivi vias du-
ras , durassanè , si secundum naturæ humanæ fra-
gilitatem injuriarum ponderi succumbentis consi-
derentur , faciles tamen per gratiam Dei .

Durum etiam videbitur perpeti inflictionem ala-
pæ ob jacturam , ut quibusdam videtur , honoris ,
sed homo verè Christianus non tam fragili hono-
rem fundamento innixum arbitratur , ut ille à pro-
fligatissimo quopiam tenebrione alapam , aut fu-
item infidente , viro honorato auferri queat .

Talem non inlequi , sicut nec duellum acceptare ,
(ut quarta simul cum tertiâ solvatur propositio)
duellum , inquam , in quod tanto cum applausu
Galliarum Rex Ludovicus XIV inexorabile mor-
tis decretum effudit , apud æquos veri honoris
in solâ vita integritate consistentis ponderatores
non censebitur timiditas , aut imbecillitas animi ,
sed reputabitur Summa , Heroica , & Christiana Vir-
tus , nec minor laude digna , quam si quis pro
Patriâ præsentissima adiisset mortis discrimina . Ete-
niam fortior est , qui se , quam qui fortissima vincit
mœnia . Horatius .

PROPOS. DAMNATA.

8. **N**on peccat maritus occidens propriâ autho-
ritate uxorem in adulterio deprehensam .

Est 19. Alex.

D. THOMAS 22. quæst. 64. art. 3. in corpore.
Principibus habentibus publicam autoritatem so-
lum licet malefactores (quibus sanè annumeranda
est adultera , quæ olim morte plectebatur) occide-
re , non autem privatis personis .

At gravissimus est dolor , quem maritus haurit Object.
ex præsenti , oculisque substrato adulterio .

Id verum est , sed vir non est judex uxoris : **C**o Resp.

IDEQ

IDEÔ NON POTEST EAM INTERFICERE, Sed co-
ram judice accusare. In Suppl. q. 60. art. 1. ubi
ex professo agitur de occisione uxoris in adulterio
deprehensæ.

PROP. DAMNATA.

9. **L**icit procurare abortum antè animationem
fætūs, ne puella deprehensa grāvida occida-
tur, aut infametur. Est 34. Innoc.

D. THOMAS 22. q. 64. art. 6. in corpore. Se-
cundūm se considerando hominem, nullum occi-
dere licet, quia in quolibet debenus amare na-
turam, quam Deus fecit, que per occisionem cor-
rumpitur.

Si dicatur, nondum in casu posito à Deo factam
esse naturam, seu infusam animam; perpendantur
ponderosissima Tertulliani verba à D. Thomā va-
riis in locis, & ab omnibus passim Theologis adop-
tata. *Nobis*, inquit, *homicidio semper interdicto*,
etiam conceptum utero, dum adhuc *sanguis in ho-*
minem delibatur, dissolvere non licet. HOMICI-
DII FESTINATIO EST PROHIBERE NASCI. Nec
refert, natam quis eripiat animam, an NASCEN-
TEM disturbet.

PROP. DAMNATA.

10. **V**Idetur probabile omnem fætum, quamdiu
in utero est, carere animâ rationali; &
tunc primum incipere eandem habere, cum paritur:
ac consequenter dicendum erit, in nullo abortu ho-
miciudium committi. Est 35. Innoc.

D. THOMAS 22. q. 64. art. 8. ad 2. Ille, qui per-
cuicit mulierem prægnantem, si sequatur mors vel mu-
lieris, vel PUELI ANIMATI (supponit igitur Angeli-
cus tamquam omnino certum, prolem in utero, tem-
pore à naturâ præfixo, esse animatam, ita ut opposi-
tum sit prorsus improbabile) NON EFFUGIET HOMI-
CIDII REATUM. Quam horrendum hujusce propo-
sitionis dogma, taliter & in corpus, & in animam
pueri sœviens, nec unâ merie saturatum!

De Detractione, seu Calumnia.

PROPOSITIONES DAMN.

1. **Q**uidam non nisi veniale sit detrahitis authoritatem magnam sibi noxiā falso crimen elidere? Est 43. Innoc.

2. Probabile est, non peccare mortaliter, qui imponebit falsum crimen alicui, ut suam justitiam, & honorem defendat, & si hoc non sit probabile, vix illa opinio erit probabilis in Theologâ. Est 44. Innoc.

D. THOMAS 22. q. 110. art. 2. & 4. in corpore. Vocatur mendacium perniciosum, quod dicitur in nocumentum proximi quantum ad personam, vel famam; & HOC EST PECCATUM MORTALE. Quid verò est mendacium perniciosum, seu in nocumentum proximi, si tale non sit falsi criminis impositio?

At, inquires, id facio ad propugnandum honorem, qui ab alio detractione, & calumniâ impetratur. Object.

Itanè est? non est licitum mendacium officiosum Resp. dicere (art. 3. ad 4.) ad hoc, quod aliquis alium à quocumque periculo etiam mortis (ut in argu- mento objiciebatur) liberet, licebitne igitur ad defendendum honorem, falsum alteri crimen affri- care, adeòque pernicioſſimum effūrre mendacium?

Recta conscientia clamitat, non esse malum pro malo reddendum, & potius honori ducendum esse non solùm Ecclesiasticis, sed cuilibet etiam Chri- stiano bonum pro malo reddere.

Egregiè sanè Angelicus 22. q. 72. art. 3. in corpore. Sicut patientia (inquit) necessaria est in his, quæ contrà nos fiunt, ita etiam in his, quæ contrà nos dicuntur. Et q. 73. art. 4. ad 1. In hoc potest commendari alicujus patientia, QUOD DETRACTIONES, vel calumnias SUSTINET.



De peccatis Luxuriæ.

PROPOSITIO DAMN.

I. **T**am clarum videtur, fornicationem secundum se nullam involvere malitiam, & solum esse malam, quia interdicta est, ut contrarium omnino rationi dissonum videatur. Est 48. Innoc.

D. THOMAS 22. q. 154. art. 2. in corpore. Peccatum mortale est omne peccatum quod committitur contra vitam hominis. Fornicatio autem simplex importat inordinationem, qua vergit in nomenclatum vita ejus, qui est ex tali concubitu nasciturus. Ad educationem enim hominis non solum requiritur cura matris, à quā nutritur, sed multò magis cura Patris, à quo est instruendus, & defendendus, & in bonis tam interioribus, quam exterioribus promovendus. Et ideo contraria naturam hominis est, quod utatur vagò concubitu, sed operari, quod sit maris ad determinatam faminam, cum quā permaneat non per modicum tempus, sed per totam vitam. Et inde est, quod inest maribus in specie humanâ sollicitudo de certitudine prolixi, quia eis imminet educatio prolixi. Hac autem certitudo tolleretur, si esset vagus concubitus, hac autem determinatio certa famina Matrimonium vocatur. Unde cum fornicatio sic concubitus vagus utpote prater Matrimonium existens, est CONTRA NATURAM PROLIS EDUCANDÆ, ET IDEO est peccatum mortale, & non solum, quia interdicta est.

Alioquin profectò Genteles, qui legem Dei positivam prohibentem fornicari ignorarunt, nullum fornicando peccatum commisissent, quod sanè nefas est asserere.

PROPOSITIO DAMN.

2. **C**opula cum conjugata, consentiente marito, non est adulterium: adeoque sufficit in confessione dicere, se esse fornicatum. Est 50. Innoc.

D. Tho.

D. THOMAS in supplemento q. 49. art. 3. in corpore. *Pro fide* (loquitur Angelicus de bonis Matrimonii) accipitur debitum servandi fidem , sinè quo etiam Matrimonium esse non potest , ita ut tali debito , vel legi , aut juri Matrimoniali conjuges nullò prorsus modō renuntiare queant.

Idque aperte etiam constat ex Apostolo ad Romanos 7. Mulier , vivente viro , vocabitur adultera , si fuerit cum alio viro : si autem mortuus fuerit vir ejus , liberata est à lege viri , ut non sit adultera , si fuerit cum alio viro . Non ait Apostolus , vivente & non consentiente viro , ita ut si vir consenserit , non sit adultera , sed simpliciter , VIVENTE VIRO , vocabitur adultera , si fuerit cum alio viro . Nec ait , liberata est à lege viri , si mortuus fuerit , vel consenserit vir ejus , sed si MORTUUS FUERIT VIR EJUS , liberata est à lege viri , ut non sit adultera , si fuerit cum alio viro . Sola ergo mors mariti , non viventis consensus (ut volebat damnata Propositio) uxorem à lege viri eximit , adeoque & illius cum altero copulam ab adulterii criminis immunem facit.

Fuere nonnulli , qui in damnati patrocinium erroris magnum Augustinum trahere conati sunt , quasi saltem hāc in re dubitarit occasione historiæ , quam Object. narrat libro I. de Sermone Domini in monte cap. 17. de muliere quādam Antiochenā , quæ se , consentiente marito , alteri prostituit , ut eum morte liberaret.

Sed objectio facile refelliur , non enim de veritate assertionis nostræ , sed de veritate historia , sive facti dubitare se D. Augustinus indicat , dum ait . Nihil hic in aliquam partem dispergo , liceat cuique estimare , quod velit : non enim de Divinis authoritatibus deprompta historia est . Cæterum quid Resp. leniret de veritate dogmatis ; dixeris verbis significavit , dum antea hujus narrationem historiæ hæc inter alia profert . Certè non est ita existimandum , ne hoc famina , VIRO PERMITTENTE , FACERE POSSE VIDEATUR , quod omnium sensus excludit .

Et

Et luculentissimè libro de fide & operibus cap. 7o
In civitate Dei nostri, in monte Sancto ejus, hoc est
in Ecclesiâ, nupissarum non solum vinculum, verum
etiam Sacramentum ita commendatur, ut non liceat
UXOREM SUAM ALTERI TRADERE: quod in Repu-
blica Romana non solum minimè culpabiliter, ve-
rū etiam laudabiliter Cato fecisse perhibetur. Ne-
que hinc diutius modò disputare opus est, cum &
illi, quibus respondeo, non audeant affirmare, nul-
lum hoc esse peccatum, neque NEGENT ESSE ADUL-
TERIUM, ne ipsi Domino, sanctoque Evangelio aperiè
convincantur obſtēre. Atque hæc pro vindiciis
Augustini, quem cum D. THOMA Augustino con-
tracto indivulſè sequitur Schola Thomistica.

PROPOSITIO DAMN.

3. **M**ollities jure naturæ prohibita non est,
undē si Deus eam non interdixisset, ſapè
effet Bona, & aliquandò obligatoria ſub mortaliſ.
Est 49. Innoc.

D. THOMAS q. 15. de malo articulo 1. *Omnis*
actus dicitur inordinatus, qui non est proportioni-
natus debito fini; ſicut coemptio eft inordinata, ſi
non proportionetur corporis ſalubritati, ad quam
ordinatur ſicut ad finem. Finis autem uſus geni-
talium membrorum eft generatio prolis. Et ideo
omnis uſus prædictorum membrorum, qui non eft
proportionatus generationi prolis, eft SECUNDUM
SE INORDINATUS, quicumque autem actus præ-
dictorum membrorum eft præter commixtionem.
Maris & femina (ut fit in mollitie) Manifestum
eſt, quod non ſit accommodatur generationi prolis.
Proindè mollities utpoē actus modò jam descrip-
tō inordinatus jure naturæ prohibita eſt.

Et Ianè ſi illa non eſſet jure naturæ prohibita,
rurus Gentiles lege Dei Positivâ hoc crimen ve-
tantē deſtituti nullum ſe polluendo peccatum per-
petrarent Horribilis, & tamen vera ſequela!

Sed hujus propositionis Authorum os obſtruit vel
leviſſimus inter ethnicos Poëta Martialis hoc gra-
viſiſimo

vissimo disticho directo ad quemdam Ponticum tertium istius vitii mancipium.

*Ipsam crede tibi naturam dicere rerum,
Istud, quod digitis, Pontice, perdis, homo est.*

PROPOSIT. DAMN.

4. **M**ollities, Sodomia, & bestialitas sunt peccata ejusdem Speciei infima: ideoque sufficit in confessione dicere, se procurasse pollutionem. Est 24. Alex.

D. THOMAS 22. q. 154. art. 12. ad 4. Gravitas in peccato magis attenditur ex abuso alicujus rei, quam ex omissione debitus eius. Et ideo inter vitia, qua sunt contra naturam, INFIMUM LOCUM TENET PECCATUM IMMUNDITIAE (seu Mollitici) quod consistit in sola omissione concubitus ad alterum: GRAVISSIMUM autem est peccatum BESTIALITATIS, quia non servatur debita species. Unde super titulum Genesis 37. accusavit fratres suos crimine pessimum: dicit glossa * quod cum pecoribus fratres Josephi * Lyra & miscabantur. POST HOC AUTEM EST VITIUM SODOMICUM, cum ibi non servetur debitus sexus.

PROPOSITIO DAMN.

5. **F**amulus, qui submissis humeris scienter adjuvat Herum suum ascendere per fenestras ad stuprandam virginem, & multoties eidem inservit deferendo scalam, aperiendo januam, aut quid simile coöperando; non peccat mortaliter, si id faciat metu notabilis detrimenti, pura ne à Domino male tractetur, ne torvis oculis aspiciatur, ne domo expellatur. Est 51. Innoc.

D. THOMAS 22. q. 62. art. 7. in argumento sed contrà: Dicitur ad Rom. 1. Digni sunt morte non solum qui faciunt, sed etiam qui consentiunt facientibus.

Et in responsione ad 1. Non solum peccat ille, qui peccatum exequitur, sed etiam quis quocumque modo peccati est causa, VEL COOPERATOR.

Et profectò cur minus peccet ille , qui coope-
ratur domino in peccato luxuriæ , & quidem modô
tam directo , & aperto , qualem allegat proposi-
tio , quam is , qui Hero obsequitur in committendo
furto ?

Theologi dum loquuntur de famoso Naāman
Syro se simul incurvante cum Rege , qui illius ma-
nibus innixus Idolo Remmon corpus inflectebat ,
inter se laborant , ut eum ab idololatriâ excusent ;
atquè idē solū excusandus venit , qui obte-
quium Regi dum taxat humanum , & civile quod
præstabat extrâ templum , etiam exhibebat in tem-
plo longè remotus ab idololatriâ Regis : profiteba-
tur enim se veri Dei cultorûm , & nolle se deinceps
idola colere . Non faciet ultrâ servus tuus holo-
caustum , aut victimam diis alienis , nisi Domino .

4. Reg. 5. Unde circumstantiæ tales erant , quæ
eum tum apud Gentiles , tum Judæos à cultu
Remmon alienum esse indicabant . Quis verò mor-
talium ex circumstantiis scienter , & studiō dela-
tx , & erectæ scalæ ad stuprandam virginem ,
apertæ janux , aliisque id genus actibus non illicò
talem servum arbitretur criminis esse Domini par-
ticipem , & reverâ servum peccati , dignumque
profligatissimô Herô ministrum ?

Sanè si talis famulus conscientiæ stimulis agi-
tatus petiisset ab Eliseo , ut quondam Naāman ,
an illud posset continuare obsequium , non ei ,
quemadmodum alteri , Propheta respondisset
vade in pace , factum Naāman approbans . Dixisset
ei , fuge , fuge protinus , teque præsentissimo eripe
salutis animæ periculo . Obedire magis oportet Deo ,
ejusque mandatis , quām homini flagitiolo nefaria
præcipienti .

Scilicet servitus , seu famulatus , quō homo homini
subjicitur , ad corpus pertinet , non ad animam . 22. q.
104 art. 6. ad 1. unde si aliud Imperator , aut Do-
minus , ALIUD DEUS JUBEAT , CONTEMPTO ILLO ,
OBTEMPERANDUM EST DEO , inquit Augustinus
citatius ab Angelico prædictæ quæstionis articulo
5. incorpore .

Pro:

PROPOSITIO DAMN.

6. **E**st probabilis opinio, qua dicit esse tantum veniale, osculum habitum ob delectationem carnalem, & sensibilem, qua ex osculo oritur, secluso periculō consensus ulterioris, & pollutionis. Est 40. Alexand.

D. THOMAS 22. q. 154. art. 4. in corpore. Oscula sunt PECCATA MORTALIA SECUNDUM QUOD LIBIDINOSA SUNT. Oscula autem, seu osculum datum ob delectationem carnalem, &c. reverā libidinosum est, negaturque suppositum secludi à tali osculo personalem consensus ulterioris. Unde enim delectat carnaliter osculum, nisi quia occultiū mentem delectat, stimulat, rapit id, ad quod istud luâpte naturâ quasi pondere suo feruntur? quid illud est aliud, quam repræsentatio, & prægustatio ulterioris criminis?

Sanè SS. Patres jocos, nutus, blandiora verba, cæteraque hujusmodi in disparis sexus præsentia passim appellant moritura virginitatis principia. Quid dicendum igitur de carnalibus osculis?

Apage hic commentum illud, quod intendatur sensibilitas, qua ex osculo oritur. Certè & sensibilitas intenditur, & carnalis induisse sequitur, vel potius hæc sola intenditur delectatio. Quod enim non vergit libido in quam natura peccato originali saucia de se maximè proclivis est? nonnè hæc, dum osculum illud figitur, vel sopita resuscitatur, provocatur, irritatur?

Liquet igitur, quod osculum istud non veniale, sed mortale sit.

De sensuum voluptatibus.

PROPOSITIO DAMN.

1. **C**omedere & bibere usque ad satietatem ob solam voluptatem, non est peccatum, modò non oblitus valetudini, quia licet poteat appetitus naturalis suis actibus frui. Est 8. Innoc.

D. THOMAS. I. 2. q. 18. art. 9. in corpore Cū rationis sit ordinare, actus a ratione deliberativa procedens, si non sit ad debitum finem ordinatus (debitus ille finis non est voluptas) ex hoc ipso repugnat rationi, & haber rationem malibibere igitur & comedere ad satietatem ob solam voluptatem, peccatum est; cuam si non ob sit valedini.

Ne quod verò refugium supersit peritum ex eo, quod appetitus naturali possit suis actibus, seu delectationibus frui, occurrit D. Thomas & radicem propositionis evellit I. 2. q. 4. art. 2. ad 2. Secundum appetitum sensitivum, qui est in animalibus, operationes quaruntur propter delitacionem: sed institutor natura homini DELECTATIONES APPOSUIT PROPTER OPERATIONS: scilicet inter alias, ob sustentationem corporis: & iunc aliquis ordinare cibo, & potu uitetur Non debet igitur comedio, & bibitio sistere in volupate, seu delectatione, ne homo in animalium conditionem degeneret, & cum monstro voluptatis Epicuro consentiat.

PROPOSITIO DAMN.

2. **O**pus conjugii ob solam voluptatem exercitum omni penitus caret culpâ, ac defectu veniali. Est 9 Innoc.

D. THOMAS in suppl. q. 4. art. 5. in corpore. DUOBUS SOLIS MODIS conjuges absque omni peccato convenient, scilicet causâ pro uranda prolis, & debiti reddendi: ALIAS AUTEM IBI EST PECCATUM ad minus veniale.

De furto, & restitutione.

PROPOS. DAMNATE.

I. **P**ermisum est furari non solam in extremâ necessitate, sed etiam in gravi. Est 36. Innoc.

D. THOMAS 22. q. 66. art. 7. ad 2. Ut re alienâ occultè acceperâ in casu necessitatis extrema non habet rationem furti propriè loquendo: QUIA PER TALEM necessitatem (ecce extremam, non gravem) efficiatur

eur suum id, quod aliquis accipit ad sustentandam
proprietam vitam.

Objicies tamen. D. Thomas agens 22, q. 32.
art. 5. de obligatione dandæ eleemosynæ, ne-
cessitatem gravem (quam illic urgentem vocat)
sub extremâ comprehendit, articulo vero ejusdem
questiōnis septimo ad 3. docet ei, qui necessitatem
extremam patitur, licere accipere de alieno ad sui
sustentationem; sequitur itaq; etiam in Gravi ne-
cessitate id licere, quod tamen dñm Pontifex. *Resp.*

Respondeatur, quod necessitas extrema alia est
latè sumpta, quæ sub se etiam comprehendit gra-
vem, seu urgentem, de hac intelligitur D. THOMAS,
dum dicit dandam esse Eleemosynam ex super-
fluo naturæ Gravi etiam necessitate laborantibus:
alia est extrema stricte sumpta, & hanc solam di-
cit requiri, nullò modō Gravem, ut quis possit
accipere de alieno ad sui sustentationem. Idque
patet ex articulo illo septimo citato ad 3. ubi
Angelicus necessitatem illam respectu mileriam
patientis continuo nuncupat extreamam. In casu,
inquit, necessitatis extrema omnia sunt communia.
Non ait, in casu necessitatis gravis; in extremâ
autem accipere licet de alieno, si non inveniat, qui
sibi dare velit. Vide etiam Steyaertum in Apho-
rismis tomo 1. parte 2. di p. 34. num. 6.

PROPOSITIO DAMN.

2. **F**amuli, ac famula Domestica possunt osculte
Heris suis surripere ad compensandam operam
suam, quam majorem judicant salario, quod reci-
piunt. Est 37. Innoc.

D. THOMAS 22. q. 66. art. 5. ad 3. qui accipit
rem suam apud alios injuste detentam, vel suō sibi
judiciō liquidē debitam, peccat contrā communem
iustitiam, dum ipse sibi usurpat sue rei judicium
juris ordine pratermissō. In hoc igitur peccat com-
pensatio occulta, quod quilibet in propriâ causâ
judicem agat, omni ordine, & subordinatione per-
niciosa metamorphosi subversis. Unicuique famu-

Iantum videbitur debitum omnino liquidum , & non dubium ; non enim homines procedunt secundum hoc , quod res sunt , sed secundum quod sibi videntur , proindeque illorum quilibet operam suam suo judicio . majorem salariò existimans tuto , & securè Dominos expilare poterit. Ardebit Troia , & ignorabitur author incendii.

Certè turba Domestica præ aliis gravius puniri solent , eò quod specialiter perturbent pacem , & securitatem domesticam : jam verò quæ pax , securitas , & tranquillitas erit in ædibus , si passim compensationum occultarum permittatur colluvies ?

Nec in illis sistet familiarum ruina . Ut nihil dicam de molitoribus , sartoribus , aliisque id genus hominibus , quibus facilior est clanculum surripiendi occasio ; quilibet operarius conductius , qui minori forte quam vellet , pretio operam suam addixit Domino , reliquum compensatione occultâ sibi comparabit . Idem sibi jus vendicabunt , qui res suas alteri vendiderunt . Etenim plures ex illis (si in sua quisque causa judex sedeat) hac in re ipso Tullio pro domo sua loquente facundiores allegare poterunt , se fuisse infra justum premium merces suas adactos vendere ; à divitibus passim stringi mucrones in suum , suorumque jugulum , ab illorum peccatis divinam provocari vindictam ; se fame encari , atquè hinc se compulsos fuisse merces suas non tam vendere , quam imminentem famem redimere . Ita grassabuntur undique fures , & famosarum instar ranarum tempore Pharaonis , in omnes ædium sinus , penetralia , angulos , cistas lese inferenti eò illis periculosiores , quod videri non poterunt . Qualis ista rerum facies , familiarumque calamitas !

PROPOSITIO DAMN.

3. **N**on tenetur quis sub paenâ peccati mortalis restituere , quod ablatum est per paucâ furta , quantumcumque sit magna summa totalis . Est 38. Innoc.

D. Tho;

D. THOMAS 22. q. 62. art. 2. in corpore: Restitu^{tio} est actus justitia commutativa, qua in quādam equalitate consistit. Et ideo restituere importat redditionem illius res, qua inusta ablata est. Sic enim per iteratam ejus exhibitationem equalitas reparatur.

Sic est, inquis, sed restitutio non obligat sub Object. mortali in paucis, seu parvis furtis. Plura enim peccata venialia nequeunt conflare unum peccatum mortale, adeoque nec parva furtū id possunt, ac proinde non tenetur quis sub mortali restituere quod per talia ablatum est.

Sed hæc responsio nulla est: licet enim furtū illa Resp. parva secundūm se considerata non sint peccatum mortale, ultimum tamen furtūm, quō pervenitur ad magnam materiæ quantitatēm, est peccatum mortale; ex connotatione enim furtorum præcedentium, cum quibus illud moraliter conjungitur, redditur furtū rei gravis, adeoque tenetur qui sub pœnā peccati mortalis restituere quod ablatum est per parva furtū, dum ad summam notabilem perventum est.

PROPOSITIO DAMN.

4. **Q**ui alium movet, aut inducit ad inferendum grave damnum tertio, non tenetur ad restitu^{tio}nem illius danni illati. Est 39. Innoc.

D. THOMAS 22. q. 62. art. 7. in corpore. Ad restitu^{tio}nem tenetur alius non solum ratione rei aliena, quam accepit, sed etiam ratione inusta acceptio^{nis}: & ideo quicumque est causa inusta acceptio^{nis}, tenetur ad restitu^{tio}nem: quod quidem contingit.... MOVENDO ad ipsam acceptio^{nem}, quod sit præcipiendo, consulendo &c. Quæ quidem omnia continentur famosis versiculis jussio Consilium; consensus &c. hic etiam à D. Thoma citatis.

De mutuo, & usura.

PROPOSITIONES DAMN.

1. **C**um numerata pecunia pretiosior sit numera^randa, & nullus sit, quis non majoris fa-

ciat pecuniam præsentem, quam futuram, potest creditor aliquid ultrâ sortem à mutuariō exigere, & eō titulō ab usura excusari. Est 41. Innoc.

2. Licitum est mutuanti aliquid ultrâ sortem exigere, si se obliget ad non repetendam sortem usquè ad certum tempus. Est 42. Alexand.

D. THOMAS 22. q. 78. art. 1. in corpore. Quādam res sunt, quarum usus est ipsarum rerum consumptio, sicut vinum consumimus eo utendo ad potum, & triticum consumimus eo utendo ad cibum, unde in talibus non debet seorsum computari usus rei à re ipsa, sed cuicunque conceditur usus rei, ex hoc ipso conceditur res... proprius autem, & principalis pecunia usus est ipseus consumptio, sive distractio, secundum quod in commutations expenditur. Et propter hoc secundum se est illicitam PRO USU PECUNIÆ MUTUATÆ ACCIPERE PRETIUM, QUOD DICITUR USURA. In utraque autem propositione accipitur aliquid pro mero usu pecuniæ mutuatæ, quod facillimè demonstratur.

Ad primū enim quod attinet, mutuum solet definiiri à Theologis quod sit contractus, quo unus rem suam sic alteri tradit, ut ipsa statim fiat accipientis cum obligatione reddendi postea präfixo tempore rem eamdem specie Mutuatori. Itaque ratio & natura mutui importat inter alia actualem traditionem pecuniæ, adēque importat numeratam pecuniam, non numerandam, præsentem, non futuram, hoc enim ineptum & ridiculum est: omne igitur quod hic mutuans petit ultra sortem à mutuariō numerata, & præsentis pecuniæ titulō, reverā totum id exigit pro mero, & solo usu pecuniæ.

Ad secundam habetur responsio ex dictis. Includitur enim in mutuo, quod mutuatarius obligetur eandem rem specie mutuanti reddere tempore präfixo. Itaque & mutuans vicissim se obligat ad non repetendam sortem antè certum aliquod tempus, V. G. antè trimestre, vel annum. Ecce itaque iterum merus usus pecuniæ, quem isti aurí helluones scotsū ab illā vendunt,

Nee

Nec refert, quod obligatio ad non reperendam sortem ad determinatum tempus, videatur posse pretio aestimari: hæc enim obligatio est intrinseca mutuo, idèque naturam ejus requirit. Si quid igitur mutuator exigit, toum id est pro usu pecuniae mutuae; quod usurarium est.

PROPOSITIO DAMN.

3. **U**sura non est, dum ultrà sortem aliquid exigitur tamquam ex benevolentia, & gratitudine debitum: sed solum si exigitur tamquam ex justitiâ debitum. Est 42. Innoc.

D. THOMAS hic à nonnullis citatur quasi tradat Object. doctrinam illam 22. q. 78. art. 2. ad 3. Si minus ab obsequio, vel à lingua non quasi ex obligatione rei exhibetur, sed ex BENEVOLENTIA, licet hoc accipere, & exigere, & expectare.

Sed ab hisce verbis vel umbra abest erroris. *Resp.*
Non enim illic fit mentio de exigendo munere ab obsequio, vel à lingua, idque ex benevolentia, tamquam debitum, ob quæ verba præfata propositione confixa fuit, sed de exigentiâ, seu petitione, quâ liberalia peti solent. Idque colligitur ex fine corporis. Si quis accipiat aliquid hujusmodi (cujus pretium pecuniâ mensurari potest) non quasi exigens, nec quasi ex aliquâ OBLIGATIONE TACITA, VEL EXPRESSA, sed sicut gratuitum donum non peccat: quia etiam antequam pecuniam mutuasset, licet poterat aliquid donum gratis accipere: nec pejoris conditionis efficitur per hoc, quod mutuavit. Si quod igitur lucrum mutuans accipiat ex dono, vel liberalitate mutuatarii (quod etiam antequam mutuasset, accipere poterat) requirit D. Thomas ut id non exigit ex aliquâ obligatione tucia, vel expressa, seu tamquam debitum. Unde S. Doctor non solum non doctrinam tradit erroneam, qui omnes libros, teste oraculo Pontificio, *sine ullo *Clemens prorsùs errore conscripsit, sed eam quoquè totaliter profligat. Convellit & illam citato articulo ad 2. Debito amicizia non competit civilis obligatio, pér quam

quam inducitur quadam necessitas, ut non spontanea compensatio fiat. Talem obligationem, & compensationem non spontaneam certè continet propositio damnata.

Nec valet titulus, seu debitum Gratitudinis. Ementitam enim, & ridiculam hæc assertio facit gratitudinem: quemadmodum ridicula foret donatio alicujus Nobilis, qui habens equum centum pataconibus ~~ex~~ it: matum alteri Nobili eum volenti emere reponeret, non decere Nobilem mercari, proinde nec illum velle se vendere; sed liberaliter se ipsi equum donare, cum obligatione tamen, ut sibi vicissim centum patacones ex mero liberalitate donaret.

PROPOSITIO DAMN.

4. **C**ontractus Mohatra licitus est etiam respectu ejusdem personæ, & cum contractu revenditionis præviè inito, cum intentione lucri. Est 40. Innoc.

D. THOMAS 22. q. 78. art. 2. præcitato in corpore. Si aliquis pro PECUNIA MUTUATA PECUNIAM ACCIPIAT ex pacto tacito, vel expresso peccat contrà justitiam. Hoc autem fit in contractu Mohatra. Exercetur ille, dum V.G. is, qui 30. aureis opus habet, equum emit pretio 40. aureorum post annum solvendorum, quem mox venditori 30. aureis revendit, sed sibi de præsenti à venditore numeratis. Allegatur hic quidem emptio, & venditio: sed cum contractus revenditionis præviè ineatur cum intentione lucri, revera pro pecunia mutuata pecunia accipitur, seu contractum ille degenerat in merum purum mutuum cum usura specioso dum taxat binorum contractuum emptionis; & venditionis induita pallio. Quid enim interest, itanè fiat, an verò emptori simpliciter dentur 30. aurei, pro quibus ille post annum 40. rependat?



De Simonia, & Beneficiis.

PROPOSITIONES DAMN.

1. **D**are tempore pro spirituali non est simoniā, quandō tempore non datur et tamquam pretium, sed dumtaxat tamquam motivum conferendi vel efficiendi spirituale, vel etiam quando per tempore fit solum gratuita compensatio pro spirituali, aut è contrā. Est 45. Innoc.

2. Et id quoquē locum habet, etiamsi tempore sit principale motivum dandi spirituale; immo etiamsi sit finis ipsius rei spiritualis, sic ut illud pluris estimetur, quam res spiritualis. Est 46. Innoc.

D. THOMAS 22. q. 100. art. 1. in corpore.
Actus aliquis est malus ex genere, eò quod cadit super materiam indebitam. Emptionis autem & venditionis est materia indebita res spiritualis. Idque potissimum: quia res spiritualis non potest aliquo TERRENO PRETIO compensari: ideo etiam Petrus in ipsa sui radice Simonis pravitatem condemnans dixit: pecunia tua tecum sit in perditionem: quoniam donum Dei existimasti PECUNIA possideri. *Object.*

At, inquis, tempore hic non datur tamquam pretium, sed dumtaxat tamquam motivum conferendi spirituale. Ego verò afferro tempore illud *Resp.* reverà dari tamquam pretium; solet enim à talibus exactissimè ratio valoris intri, & quasi in statu ponderari, quantum emolumenti illud spirituale, V. G. tale beneficium annuè profundat, ita ut isti nullus illorum inhiet, nisi anteā omnes beneficii proventus, sinus, & penè talia exploraverit. Quid tandem est equum competenti, & liberato ad ejus qualitates pretiō in foro emere, si hoc non sit emere beneficia?

Sed demus tempore dumtaxat dati tamquam *Object.* motivum conferendi spirituale: an idē tempore sic datum pro spirituali abstergit simoniæ maculam? numquid & ipse Simon Magus simoniaco-*Resp.* rum Patens (si hoc simonia non sit) dicere pos- tuisset,

tuisset, se obtulisse Apostolis pecuniam non sub formalitate pretii, sed solum tamquam mortuum, quoniam eorum voluntatem incitaret ad conferendam sibi potestatem impertiendi Spiritum Sanctum per manum impositionem? nec enim ille curabat modum, dummodo spiritualem illam potestatem adipisceretur. Nec S. Petrus eum reprehendit, quod voluerit pecuniam pro re æquali comunitare: sed *pecunia tua (inquit) tecum sit in perditionem, quoniam donum Dei existimasti PECUNIA possideris*, Act. 8. Et recte Quod enim collatione pecuniae per modum illecebrae promoventis sine expressa rei spiritualis cum temporali comparatione obtinetur, hoc nihilominus pecunia possidetur.

Nequè hic silit istius vices. Incurritur etiam simonia, quando per temporale fit solum gratuita compensatio pro spirituali. Alioquin profanus Giezzi (à quo venditores spiritualium etiam possunt dici Giezita ad 4.) cum magna potuisse confidentia objicere, se immerito tuisse lepræ percussum: cum non alio, quam gratuita compensationis titulo munus à Naaman petierit, & impetrarit. Unde nec Eliseus iplum increpans ait: *Accepisti argentum, accepisti vestes, ut premium miraculi: sed simplicitur: accepisti argentum, & accepisti vestes (ca uiquè à viro munifico titulo gratuita compensationis exigens) accepisti hæc, ut emas olivetas, & vineas, & oves, & boves, & servos, & ancillas* 4. Reg. v. Sic & Simon potest dici pecunias obtulisse Apostolis pro compensatione gratuia, dum ei tribuissent id, quod petebat: pro compensatione, inquam, falso gratuia, similique assertioni damnatae terribile usura.

Ex dictis ipsis est tua ruit propositio secunda.

PROPOSITIO DAMN.

3. **N**on est contraria justitiam beneficia Ecclesiastica non conferre gratis, quia collator conferens illa beneficia, pecuniâ interveniente, non exigit illam pro collatione beneficii, sed veluti pro emolu-

emolumento temporali , quod tibi conferre non tenebatur. Est 22. Alexand.

Contendit propositio omnem hic abesse simoniā; non enim collocator pecuniam exigit pro collatione beneficii : illam solum exigit pro emolumento temporali , quod tibi conferre non tenebatur.

Sed & hoc verè , & aperiè simonia est. Nec Object^o obest frivolum illud effugium , quod tibi conferre non tenebatur , quamvis enim absolutè non tenebatur , poterat enim beneficium non conferre) si tamen conferat beneficium , non licet ei tempore subtrahere , adeoque nec istud vendere , sed debet dare gratis , sicut ipsum beneficium , cui tempore annexum est. Atque hoc colligitur ex D. THOMA q. 100 art. 4 in corpore. *Beneficia Ecclesiastica* , (quoad temporalia) nullò modō vendere licet , quia ès (temporalibus) VENDITIS , INTELLIGUNTUR ETIAM SPIRITALIA (qualia certè sunt beneficio Ecclesiastica) VENDITIONI SUBJICI.

Porrò pro hac materiâ de Simonia , & beneficiis , accuratissimè observandum est , excludi oportere illam praxim , quâ nonnulli ex eo , qui beneficium accepturus est , explorare solent , an non sit honestus , vel etiam ab illo petere , an non si futurus honestus . Notate verba , signate mysteria . Profecto talia facitantes Simoni in gradu iatis propinquo sunt consanguinei.

PROPOSITIONES DAMN.

4. **C**um dixit Concilium Tridentinum eos alienis peccatis communicantes mortaliter peccare , qui nisi quos digniores , & Ecclesia magis utiles ipsi judicaverint , ad Ecclesias promovent , Concilium vel primò videtur per hoc digniores , non aliud significare velle , quam dignitatem eligendorum sumpto comparativo pro positivo : vel secundò locutione minus propriâ ponit dignores , ut excludat indignos , non verò dignos : vel tandem loquitur tertio , quandò sit concursus. Est 47 Innoc.

D. Tho^o

D. THOMAS non interfuit quidem Tridentinis personaliter decretis, interfuit eis tamen divinissimis suis scriptis, præsertim *summâ*, ad quam, ait Orator Concilii, ut ad Lydum lapidem sententias suas referendas esse Gravissimi Patres existimarunt. Itaque Angelicus mentem Tridentini explicat, & propositionem damnatam brevissimè prædamnat 22. q. 63. art. 2 ad 3. *Necesse est eligere ad beneficia Ecclesiastica*, ut ex toto liquet articulo, **MELIOREM vel simpliciter**, *vel in ordine ad bonum commune*. Conformiter loquitur & q. 185. art. 3. in corp. & quodlibeto 8.

Ut verò pateat, quam longè aberrent à mente Tridentini, qui has ipsi citatas in Propositione explicatones astricare non sunt veriti, en ipsa celeberrimi, sanctissimique verba Concilii sessione 24. cap. 1. de reformatione. *Concilium omneshortatur, & monet, ut in primis meminerint, nihil se ad Dei Gloriam, & populorum salutem utilius posse facere, quam si bonos Pastores, & Ecclesia gubernanda idoneos promovere studeant: EOSQUE ALIENIS PECCATIS COMMUNICANTES MORTALITER PECCARE, NISI QUOS DIGNORES, ET ECCLESIE MAGIS UTILES JUDICAVERINT, non quidem precibus; vel humano affectu aut ambientium suggestionibus sed eorum exigentibus meritis præfici diligenter curaverint.* An verba tam clara, tam peripicua sinistram pati potuere interpretationem?

De officio Canonico.

PROPOSITIONES DAMN.

I: *In die Palmarum recitans officium paschale satis-*
facit præcepto. Est 34. Alex.

2. *Uno officio potest quis satis facere duplice præ-*
cepto pro die præsenti, & crastino. Est 35. Alex.

D. THOMAS quodlibeto 3. q. 13. art. 2. *In omni*
divino officio hoc est commune; quod pertinet ad
Laudem Dei, & ad suffragium fidelium, sed dis-
tinguitur unum officium ab alio secundum diver-
sitatem temporum, & locorum. Rationabiliter enim
institu-

institutum est, ut diversimodè Deus laudetur secundum congruentiam temporum, & locorum: ideo sicut in officiis divinis exsolvendis observanda est congruitas Locis, ita etiam congruitas TEMPORIS. Adedque non satisfacit officio qui recitat tempore quadragesimæ, atque in ipsa quidem die Palmarum officium Paschalis, seu Paschalis temporis.

Hinc ruit Propositionis Damnatae fundamentum, Object. scilicet quod Ecclesiæ consuetudo præcipiat quidem officium, sed non hoc præcisè determinatum.

Ecclesia enim clare, & diligenter præcipit, & ex Resp. primit, quale officium tali V. G. die, vel tempore sit persolvendum. Quamvis fatendum sit mutationem officii cum officio, nisi vergat in fraudem, & considerabilis sit inæqualitas, vel à die discrepancy, non esse gravem: in casu autem Propositionis inæqualitas illa, & simul discrepancy maxima est, & ante exortum Probabilismum prorsus inaudita.

Ex dictis etiam convellitur Propositio altera, nimirum quod unō officiō potest quis satisfacere dupli præcepto pro die præsenti, & crastino: præcipit enim Ecclesia, ut tale officium hōc V. G. die recitetur, ita ut quilibet dies distinctum exigat officii pensum.

Nec obstat, quod unius sacri audizione in Dominica, in quam etiam festum incidit, adeoque unō actū possit quis pluribus obligationibus facere Resp. satis: per accidens enim est, quod festa dies in Dominicam incidat, per se vero suum cuiuslibet dies correspondet officium.

PROPOSITIO DAMN.

30. **Q**ui non potest recitare Matueinum, & Laudes, potest autem reliquas Horas: ad nihil tenetur, quia major pars trahit ad se minorem. Est 54. Innoc.

D THOMAS 22. q. 62. articulo 8. ad 2. aliquis totaliter à restituione absolvitur; si omnino sit impotens: Si igitur quodammodo sit potens, ad proportionatam solutionem tenetur. Cur igitur si

totum

torum nequeas, possis verò partem recitare officii, ad illam non tenearis? an minori tibi loco Deus sit, quam tu ipse tibi, qui à tali debitore, qui totum non posset, posset tamen aliquid, id, quod dare posset, exigeres?

PROPOSIT. DAMN.

4. **H**abens Capellaniam, aut quodvis aliud beneficium Ecclesiasticum, si studio litterarum vacet, satisfacit sua obligationi, si officium per alium recitet. Est 21. Alexand.

D. THOMAS quodlibeto 1. quæstione 7. art. 1. *Prebendatus debitum quod debet Deo, PER SEIPSUM DEBET EXSOLVERE.* Non itaque satisfacit sua obligationi, si officium per alium reciteret.

Nec valet malæ cause pejus patrocinium, scilicet Clericos per sui solutionem pendi detrimen-
tum pati in studiis. Nulla est enim jaætura tempo-
ris, quod tam religiosè, & piè Deo impenditur.

PROPOSITIONES DAMN.

5. **R**estitutio à Pio V. Imposta beneficiatis non recitantibus non debetur in conscientia ante sententiam declaratoriam judicis, èo quod sit pœna. Est 20. Alexand.

6. Restitutio fructuum ob omissionem horarum suppleri potest per quascumque eleemosynas, quas ante beneficiatus de fructibus sui beneficii fecerit.

D. THOMAS 22. q. 52. art. 7. in corpore. *Ad restitutionem (ex natura rei) tenetur aliquis ratione rei aliena , quam accepit.* Beneficiatus autem non recitans, & fructus recipiens (cum talis juxta sancti illius Pontificis decretum fructus non faciat suos) percipit rem alienam, seu rem non suam, adeo que de se, sive ex natura rei ad restitutionem tenetur, proinde opus non est sententia declaratoria judicis.

Nec à restitutione (ut altera innuit Propositio) excusant datæ interdum pauperi eleemosynæ. An enim à restitutione facienda pauperi excusaretur is, qui jam aliquid pauperi surripit, & eidem tanti ante tribuisset valoris eleemosynam? non crediderim.

De præceptis Ecclesiæ quoad obser-
vantiam festorum , auditionem
Sacri , & Jejunium.

PROPOS. DAMNATÆ.

1. P *Ræceptum servandi festa non obligat sub morali seposito scandalo , si absit contemptus.*
Est 52. Innoc.

2. *Satisfacit præcepto Ecclesiæ de audiendo sacro , qui duas ejus partes , inquit quatuor simul à diversis celebrantibus audit.* Est 53. Innoc.

3. *Frangens jejunium Ecclesiæ , ad quod tenetur , non peccat mortaliter , nisi ex contemptu , vel inobedientia hoc faciat , puta , quia non vult se subjicere præcepto.* Est 23. Alexand.

D. THOMAS I. 2. q. 96. art. 4. in corpore.
Leges vel civiles habent vim obligandi in foro conscientiae , & quidem graviter in materiâ gravi , secluso quoque contemptu , cur igitur parem obligandi vim in materiâ gravi , qualis certè est die- rum festorum observantia , remoto etiam contemptu , sibi lex non vendicet Ecclesiastica?

Sed quām amplum hic video forum conscientiae quoad auditionem Missæ diebus Dominicis , & festis ab Ecclesiâ præceptam ? certè ex duabus , vel quatuor diversarum Missarum partibus nullatenus unum conflatur Sacrificium: sicut caput Petri , pectus Pauli , & pedes Joannis (angustæ , veræ tamen in Augustâ materiâ parce similitudini) non sunt simul unus homo. Proindè taliter non implêtur præcep- tum de audiendo sacro.

Ex præfatâ D. Thomæ ratione de se corruit propositio terria. Apage illud : *frangens jejunium non peccat mortaliter , nisi ex contemptu hoc faciat.*

Profectò hæc lata porta , si non fuisset opportunè per Pontificem obstructa , timendum fuisset , ne in intima ipsarum Divinarum Legum sacraria patuerisset aditus , & ne prætextus ille , quod *contemptus ab esset* (ut abest in eo , qui ex gravissimâ tenta-

tione fornicatur) timendum , inquam , fuislet ; ne
prætextus iste illarum etiam transgressioni pecca-
tum mortale absterrisset.

PROP. DAMNATA.

4. **I**n die jejuniis , qui sæpius modicum quid come-
dit , et si notabilem quantitatem in fine come-
derit , non frangit jejunium . Est 29. Alexand.

D. THOMAS 22. q. 147. art. 3. ad 2. Si aliquis
statatum Legislatoris transgredierat , ut impediatur
finis , quem intendit , peccat mortaliter talis trans-
gressor : finis autem jejuniis (art. 8. in corp.) ab Ec-
clesia instituit est reprimere concupiscentias carnis.
Qui autem sæpius modicum quid per diem come-
dit , vel ter , aut quater sumit , ut vocant , collatio-
nem , nonnè is carnem egregiè affligit ?

Sed & suprà ad Propos. de restituzione ostensum
est , peccare eum mortaliter , qui sæpius exiguam
summam furatus tandem complet notabilem quan-
titatem : quidni hic à simili ?

PROPOSIT. DAMNATA.

5. **E**xcusantur absolute à Precepto Jejunii omnes
illi , qui iter agunt equitando , utcumque
ster agant , etiamsi iter necessarium non sit ; &
etiamsi iter unius diei confiant . Est 31. Alexand.

6. Omnes Officiales , qui in Republicâ corporaliter
laborant , sunt excusati ab obligatione jejunii , nec
debent se certificare , an labor sit compatibilis cum
jejunio . Est 30. Alexand.

D. THOMAS 22. q. 147. art. 4. ad 3. si pere-
grinatio commode differri possit , non sunt prop-
ter hoc Ecclesia jejunia prætermittenda . Si autem ,
inquit , immineat NECESSITAS STATIM PERE-
GRINANDI , ET MAGNAS DIETAS (utique pede-
stres , seu onerosas) FACIENDI , VEL ETIAM MUL-
TUM LABORANDI vel propter conservationem vita
corporalis , vel propter aliquid necessarium ad vitam
spiritualem , & simul cum hoc non POSSINT Ec-
clesia JEJUNIA OBSERVARI , non obligatur homo
ad jejunandum . E converso igitur dum currunt
tantum

tantum illa , de quibus utraque agit propositio ;
tenetur ad jejunium.

PROPOS. DAMNATA.

7. **N**on est evidens , quod consuetudo non come-
dendi Ova , & lacticinia in Quadragesimā
obliget. Est 32. Alex.

D. THOMAS 22. q. 147. art. 8 ad 3. in quo-
bet jejuno interdicitur eus carnium , in jejuno au-
tem Quadragesimali (cum illud sit solemnius) in-
terdicuntur etiam OVA , ET LACTICINIA.

D. THOMÆ temporibus consuetudo quoad La-
cticinia tempore Quadragesimali ubique vigebat ;
quoad ova , illa etiam viget in Belgio , cum ista citrā
dispensationem tunc comedи non possint. Nunc
potissimum consuetudo carendi Lacticiniis obtinet
in Italia ; undē Propositio , ejusque condemnatio
illi principaliter Regioni applicanda est : quamvis
& in hoc Belgio vestigium pristinæ abstinentiæ à
Lacticiniis in Quadragesimā residuum sit : cum in
plerisque Diœcesibus assis soleat pro redemptione
Lacticiniorum solvi à singulis. Quisque debet ob-
servare consuetudines secundūm morem eorem ,
inter quos conversatur. Hic rursùs ad 3. sub finem.

PROPOSITIONES DAMNATÆ

*Circà materiam , qua traditur in
tertia parte , & supplemento.*

De Celebratione Missæ , ejus-
que stipendio.

PROPOS. DAMNATÆ.

1. **M**andatum Tridentini factum Sacerdoti
sacrificanti ex necessitate cum peccato mor-
tali , confitendi quam primū ; est consilium non
preceptum. Est 38. Alex.

2. Illa particula quam primū , intelligitur ,
cum Sacerdos suo tempore confitebitur. Est 39. Alex.